

傷寒指掌元

傷寒指掌序

上古之人稟天地渾穆之氣以生壽永而無病中古  
自軒轅氏嘗百卦分經絡始知有藥始知有病岐伯  
氏通脉理辨病因始知有匠聖人懼後世疾病而不  
求治則著靈樞素問內經諸書以垂世後人宗之代  
有名匠各有著論隨時施治無非救世之苦心然而  
病情多端其变幻叵測而遠於死者莫如傷寒一症  
藥一誤投病不可挽諸名家述傷寒畧而不周惟張  
仲景先生定一百一十三方治分六經可謂該之後  
學悞以類傷寒作正傷寒治而不分手足無怪乎病

之淺者深々者危莫救浙西吳坤安先生親炙吳中  
葉天士薛生白兩先生深探傷寒之秘旨應世三十  
年凡傷寒一症在經治經杜傳經之漸無論虛寔數  
劑而愈使病者不傷元氣病易痊可真仁心妙手聞  
之耳熟先生安于家不肯輕出余羈職守南朔間隔  
徒欣慕焉乃弟友石輯先生平日所著書為四卷名  
之曰傷寒指掌比來就正于余并囑予序余讀其自  
序觀其門類及論症用藥處方分條析理古今兼治  
傷寒之法莫能越其範圍知先生之得力於仲景者  
深矣而前後條辨諸書晉成渣滓余樂為之序以共

世也學者獲此卷讀之循序而進以治傷寒分六經  
之法治雜症無不應手以盡其妙豈獨治傷寒一症  
哉皆

嘉慶十有二年歲次丁卯中秋太醫院院使花映墀

拜題

Vertical columns of text, likely bleed-through from the reverse side of the page. The text is arranged in approximately 10 columns, with varying degrees of legibility due to fading and ink bleed-through.

自序

僕少多疾病薄弱無能遂究心于醫以求衛生之道  
無如質性魯愚医理深奧曾將仲景傷寒論反覆研  
求不得其旨用是旁索諸家之書惟以求其理惟準  
治準繩彙集諸賢之大成非揜明敏之質不能溯流  
窮源餘皆獨抒所見別開經竇不無與聖訓相悖繆  
徒滋心中之蠱惑追觀方中行之條辨喻嘉言之尚  
論雖彼此互異均可謂獨幽心裁發明古訓至掃牀  
祀之偽明仲景之真不使魚目溷珠硤硤亂玉非嘉  
言慧眼靈心誰能及此更閱柯韻伯之來蘇集王晉

三之古方註尤能得仲景之深沁重開生面故其發明方義兩賢如出一揆至若辨六日傳經之妄闢三方鼎力之繆改服麻桂於太陽未衄之前移繫白散于太陰悞下之後千古疑團一朝打破又謂仲景傷寒已兼六氣六經主病已該雜症非專主傷寒立言柯氏以前孰能指出厥旨劉河間非季人也擾攘之世炎火統運見仲景傷寒每詳于寒而畧于溫特著醫書四種其直格一書每多發明溫熱之理惜雜于正傷寒內在乎明眼擇取厥後紺珠一書亦宗河間之法但以雙解散通聖等法治溫熱湯以治傷寒則

竟以傷寒為溫熱矣不知仲景麻黃桂枝等湯原治傷寒何間雙解通聖等法原治溫熱兩不相侔不可易一經倒施禍如反掌嗟乎寒溫之別判若天淵寒溫之治反如冰炭何朦溫若此賴周禹載薛生白諸先生出見世之寒傷正病絕少類者甚多寒症絕少熱病殊多恐人悞以傷寒正法施治乃作溫熱暑疫全書濟世夫溫熱暑疫皆熱病也其云傷寒自表達裡溫熱自內發外溫病發于少陽熱病發于陽明仲景黃芩湯治少陽溫病白虎湯治陽明熱病並非傷寒之方此真發前人所未發其覺迷救世之功誠非

殘漸近又出傷寒第一書云仲景寒傷治分九洲此  
書專主揚州分野雖其說不足憑信然觀其用藥遠  
熱投涼以透斑解毒為主亦治溫熱之良法也第求  
其六淫之治未免寡陋獨葉天士先生所留治案每  
寓傷寒于六氣之中妙法精義無不畢備其云仲景  
傷寒先分六經河間溫熱須究三焦此即先生分治  
寒溫之大法明示人不可以足經之藥混治手經之  
病只此二語已得傷寒之肯綮奈世人不察反云葉  
案無傷寒甚矣傷寒之難明也僕自矜管窺之見一割  
之能述六經本病一卷寔病類病一卷先古法次新

法古法悉本準繩金鑑選註來蘇集之註釋新法則  
叅案第一書溫熱全書之治焉書成非敢出而問世  
姑存之以就有道之正云爾時

嘉慶元年仲秋吉日茗南吳貞坤安氏識

Blank manuscript page with vertical lines.

傷寒指掌卷之一

類傷寒辨 共十九症

冬溫 春溫 寒疫 熱病 濕病 風溫

霍亂 痧 濕痺 風濕 中暍 以上十一症同傷寒

施治 傷食 痰 腳氣 內癰 虛煩

蓄血 黃耳 赤痢 以上八症不同傷寒施治

察舌法

部位 形色 察舌辨症歌

察目法

六經病

太陽摠要述古

表寔無汗麻黃湯

表虛無汗桂枝湯

大青龍湯

內熟煩躁

小青龍湯

內寒欬

麻黃甘石湯熟喘

桂枝加厚朴杏子湯喘

葛根湯

項背強

五苓散

水蓄膀胱

桂枝麻黃各半湯

如瘧無汗

桂枝二麻黃一湯

有汗

桂枝二越婢一湯

熱多汗少

麻黃連軹赤豆湯

發熱發黃

太陽本病述古

發熱 惡寒 惡風 頭痛 項強 體痛

太陽兼經新法

太陽、明 太陽少陽 太陽蕪肺 太陽太陰

太陽少陰

陽明揔要述古

麻黃湯

外表  
寔邪

桂枝湯

外邪  
表虛

陽明內熱表症

梔豉湯

上焦

白虎湯

中焦

猪苓湯

下焦

瓜蒂

胸有  
實邪

陽明府病寔熱裡症

大承氣湯

急下

小承氣湯

和胃  
緩下

調胃承氣湯

潤燥  
緩下

茵陳蒿湯

鬱熱  
發黃

陽明本病述古

不大便 自汗 不眠 頭汗出 手足汗

潮熱 譫語 狂亂 循衣摸床 渴

陽明新法

陽明內熱引發 陽明血分熱病 氣分熱病

陽明兼經新法

陽明兼肺 陽明少陽 陽明太陰 陽明少陰

少陽提要述古

小柴胡湯 少陽感冒中風

黃芩湯 太陽少陽合病下利

大柴胡湯 少陽結熱陽明

小柴胡去參夏加桂枝瓜蒌根湯 太陽少陽合病

小柴胡湯 陽明少陽合病胃未實從少陽治宜此湯

小柴胡湯

陽明發潮熱大便溏胸脇滿悶不舒

小柴胡湯

陽明不大便舌上白苔胸滿而嘔

傷寒脉陽瀯陰弦腹中急痛小建中湯不愈小柴

胡湯

傷寒胸熱胃寒腹痛欲嘔吐黃連湯

少陽本病述古

口苦 咽乾 目眩 耳聾 往來寒熱

胸脇滿痛 嘔

少陽新法

少陽兼營熱 少陽兼胞絡火 溫邪上乘胞絡

溫邪入心肺兩經 熱痰乘胞絡 痰入絡中

熱結小腸

少陽兼經新法

少陽、明 少陽太陰 少陽少陰 少陽厥陰